

6
FACULTATIS MEDICÆ
IN
ACADEMIA LIPSIENSI

p. t.

Pro-Cancellarius,

D. JOHANNES Bohn/
Therap. Prof. Publ.

L. S. D.

Digitized by the Internet Archive
in 2019 with funding from
Wellcome Library

<https://archive.org/details/b3076872x>



IN morborum medela, quam *Hippocrates 6. epid. 5.* eorum Medica-
tricem ait, & Artem, quam hos tol-
lere horumque impetus retunde-
re *de arte t. 4.* asserit, Fortunæ con-
cursu haud omnimode destitui i-
dem *Cous l. a. t. 5.* annuit. Quod
quidem ejus assertum vix adeo vanum pronuncio, non
quod indeclinabile fatum seu cœcam quandam Fortu-
nam Medicinæ præmonstratricem ac directricem ve-
lim, adeoque Medicos quosdam præ aliis per illam Af-
fectibus præternaturalibus curandis aptiores existere
mihi perluadeam: Sed quod phœnomena etiam planè
fortuita seu casualia aliquando vel artem juvare, vel ipsi
succenturiari, in affectibus etiam satis deploratis, obser-
vem, observent etiam sine dubio alii, negotiis practicis
attentiores, testenturque hinc inde Scriptores ejusmodi
casus, ubi causæ evidentes, contingentes & sine consilii
directorio agentes, modo, juxta *Kyperum*, sine necessaria
sui cum effectu cohærentia, modò cum eadem, sub
nomine *ἐὐτυχίας* sanitatem attulerunt, perinde ac
ἀτυχίαν morbos varios inducere, palam est. Ita for-
tuitam

tuitam abdominis perforationem Asciticos ab inundatione aquarum liberasse, perhibent *M. Donatus obs. mirab. 4. c. 21. Roussetus de partu cesar. p. 44. & Rhodius cent. 3. obs. 12.* Phreneticum ab imprudenti olei potu hincque exorto alvi fluore sanatum testatur *Panarolus pent. 1. obs. 40.* Phreneticos pariter per præcipitium ab alto, ac præcipitatione in fluentem restitutos narrat *Paræus introduct. c. 23.* Vertiginem chronicam & nullis hætenus remediis cedentem hæmorrhagia profusa, à gravi de scala lapsu concitata, discussam fuisse, narrat *Loßius 1. obs. 8.* Abscessus cerebri enormiores per aures, nares & oculos evacuatos legimus penes *H. Augenum, 2. epist. 1. & Bartholinum 6. hist. 13.* ex largiore sanguinis profusione refrigeratos calorem pristinum seu naturalem ab ira recepisse, *Mæbius Inst. l. 4. part. 2. c. 8.* docet. De quibus similibusque inopinis medelis cum *Celfo* asserere licet. *Quos Ratio non sanat, temeritas aliquando juvat.* Imprimis vero evidens hæc Fortunæ vis est in morbis Chirurgiæ opem postulantibus, quales nonnunquam deploratos ac lethales omnimode miraculosè magis, quam artificiosè, i. e. casu & divino favore potius, quam Chirurghi manu, cum stupore hujus & adstantium sanari, experientia quotidiana eloquitur. Capitis percussiones ut plurimum maximè periculosas existere, penes omnes practicos in confesso est, ab harum nihilominus gravissimis, labascente & defi-

deficiente Chirurgia quosdam reconvalescere, iidem infiniti numeri historiis testantur. Vix annus elapsus, cum in consilium me vocaret Chirurgus quidam hujus urbis, medicinam qui faciebat adolescenti, quatuordecim circiter, nisi fallor, annorum, & plagam capitis enormissimam sustinenti. Hujus quippe musculus temporalis sinister gravissimè non tantum contusus & laceratus cernebatur, sed, pro elevandis ac protrahendis commodius fragmentis calvariae depressis, incidebatur: ingens siquidem ossis temporum portio calvariae cavo profundius imprimebatur & ossi integro vicino quasi subintrudebatur, ita ut inter hoc & illam specillum latum & satis crassum immittere, minora fragmentula eximere, majorem vero hanc testam ne leviter quidem primis duobus mensibus commovere, liceret. Prodibat primis diebus notabilis cerebri, tam corticalis quam medullaris, substantiae quantitas, unciam circiter æquans, præter illa ejus ramenta, quæ subsequenter aliquot deligationibus saniei intermixta deprehendebantur. Aphonium & stuporem sensuum aliqualem vix per duodecim priores horas hic vulneratus patiebatur, quibus elapsis altero mane omnibus sensibus integer escam petebat, sine adstantium notabili adminiculo ex uno loco in alterum se recipiebat & ab omnibus symptomatis gravioribus toto decubitus spatio immunis post sex menses pristinae sani-

tati restituebatur, in situ quamvis præternaturali relicta testa calvariæ majore depressa. Tracheæ compagis cartilagineæ vulnera insanabilibus ac lethalibus ut plurimum accensent, (nam interdum interveniente futura illa coaluisse, ut *Petr. von der Stille / Chir. part. 2. tr. 4. cap. 14. Paræus l. 9. c. 29. Pigræus l. 4. cap. 12. ac Bartholinus cent. 5. hist. 89.* testantur, it. futura per glutinum, annotante *Tulpio 1. obs. 50.* rarissimum ac admiratione dignum phœnomenon est) casu nihilominus & per bonam tantum fortunam quoque sine ejusmodi operationis administratione quosdam, quibus ille canalis profunde satis præcisus, restitutos idem *Paræus* atque *Pigræus, locis allegatis* perhibent. Quorum observationibus addam observationem, nuper ex vicinia transcriptam, ubi quidam, ob delictum, in carcerem conjectus, noctu novacula, penes se occultata, laryngem seu summitatem Asperæ arteriæ, sub cartilagine annulari per transversum, ad medietatem usque, cum partibus vicinioribus præsciderat, unde per aliquot horas sanguinem ad lipothymiam profundens & aphonus aut leviter stertens, ab advenientibus excitatus, paulo post pauca tantum verba denuo enunciabat aut potius mussitabat. Balneator, levioris peritiæ, cujus curæ hic commissus, nullam audet futuram nullumve aliud labia Laryngis vulnerati sibi adducens remedium adæquatum, sed plagæ tantum integumentorum externorum

rum

rum aliqualem, eamque palliativam satis, curam gerit: coalescit nihilominus vulnus hoc periculosum, sine ullis, præter tussim, symptomatis urgentibus, intra quatuor septimanas, deglutitio hætenus turbata sensim restituitur, relicta tussi, sensim mitescente. Pariter quid impedit, quominus pulmonum vulnera, exitialia satis, aliquando salutaria evadant? si nimirum eorum portio sauciata spatio intercostali perfosso se insinuet, hujusque musculis per cicatricem communem conglutinetur, qualis casus, seu divinæ potius directionis exemplum memorabile, *Tulpius 2. obs. 17.* recenset. Quorsum etiam referendæ abdominis viscerum illæ plagæ, quas vulnere integumentorum externorum propinquiores & quasi contiguas casus fecit; ut per eandem bonam fortunam cum hujus labiis promptius cicatrissentur, ex quibus nihilominus, ab integumentis his laceratis remotioribus, multos occumbere, quotidiana loquitur experientia. Qualem casum vel ideo facilius concipere nobis valemus, quod à vivisectionibus brutorum, hujus vel illius tentaminis physiologici gratia adornatis, viscera horum plus minus lacerata Peritonæo ipsique incumbantibus musculis brevi agglutinari, ex repetita post aliquot dies horum sectione evidens fiat: ejusq; specialiora exempla in Ventrículo suggerunt extractiones cultri devorati ex ventriculo Prussii atque Bohemi, quorum historiæ in vulgus innotescunt, item

item illius adolescentis Hallensis, cui die tertio Januarii
Anni 1691. sub quodam certamine ludicro improvide
impactus & deglutitus culter, magnitudinis notabilis,
Anni proximè insequentis secundo Augusti die fato
stupendo per apostema, sub regione scrobiculi cordis
exortum atque manu Chirurgi perforatum, eductus
fuit, cujus rei Historiam *Acta nostra Eruditorum ann.*
1692. Mense Dec. tradunt. Quorum feliciorum suc-
cessuum ætiologia in hoc potissimum consistere vide-
tur, quod cultri ad exteriora vergentis tendentia, seu
spontanea, seu arte adjuta, ambitus vel compages Ven-
triculi vulnerati, Epigastrii integumentis propius ada-
cta, cum horum vulneris oris communem cicatricem
receperit. Intestinorum vulnera lethalia ut plurimum
observamus ac pronunciamus, & quidem non sine son-
tica causa; si qua proin eorum aliquando coalescere
experientia testetur, fortunæ potius, quam artis opus
hoc videtur. Quod in eo frequentius consistere de-
prehenditur, dum illorum vulnus vulneri externo vi-
cinius existit, ipsique quasi è diametro opponitur, &
Colo, per contiguitatem non tantum, sed per conti-
nuitatem quoque illam, quæ cum Peritonæo ac muscu-
lis abdominis ipsi intercedit, frequentissimum contin-
git: cum alii ex eorundem intestinorum vulneribus,
saltem quod hæc Vulneri externo vicinitate minus re-
sponderint, pereant. Parem sortem aut manum iti-
dem

dem divinam experiuntur illi, quorum vasis, ventriculo, intestinis similibusque cavitatibus vulneratis portio Omenti, pingvedinis aut telum lædens fortuito sese ita insinuant vel infixæ permanent, ut vulnere incuneata aut demum interveniente glutine naturali omnimode conferruminata, hæmorrhagiam v.g. chyliche profusionem sufflaminando vel interpellando, mortis terminum plus minus prorogent. Exemplum ejusmodi phænomeni vix sperati notabile suggerunt *Ephemerid. Nat. Curios. Dec. 1. ann. 2. obs. 161.* in quodam, cujus ex vulnere Arteriæ Cruralis hæmorrhagia enormissima ac lethalis ad decimum quartum usque diem, à grumosi sanguinis obturaculo, fuit inhibita. Liceatque mihi huc referre, quod in cadavere cujusdam, ex venæ Iliacæ internæ vulnere decimo tertio demum die defuncti, olim annotavi, & cujus aliàs jamdum mentionem feci: sc. huic particulam pingvedinis vicinæ, gladio percutientis simul laceratæ & quasi avulsæ, incuneatam fuisse, sine dubio terminum vitæ, ejusmodi vulneribus ordinariè satis angustum, prolongantem. Quadratur denique huc Operatio Chirurgica, qua oculorum suffusioni medemur, ubi pelliculam equidem illam mucosam, quæ pupillæ subtensa hæctenus cæcitatem pepererat, satis perite ac dextre Artifex deradit & ad canthum oculi internum deponit, ἀτυχία nihilominus frequentius impedit, quominus illa quieta in

B

dicto

dicto angulo maneat, sed post paucos dies denuo evoluta superiora & pristinum locum non sine calamitate ægri repetat, sicque operam Chirurghi irritam reddat.

Pluribus observationibus assertum hoc de vulnere aliorumve morborum casuali medela & non medela declarare nec opo, nec pagellæ hæ earum majorem cumulum sustinerent: hoc tantum nunc addo, Fortunam in curandis morbis efficacem nunquam forsam solitariam observari, sed semper aut Artem, juxta *Hippocr. l.c.* aut Naturam seu corporis morborum motus intrinsecos seu proclivitatem ad statum naturalem, aut utramq; , adjutrices sibi sociare, aedoq; nunquam forsam in paradoxis ejusmodi formandis sufficere, ut vel historiæ recensitæ, vel aliæ hujus generis infinitæ, docere poterant. Quod imprimis illorum gratia admonendum, qui, dum medendis morbis se applicare satagunt, Fortunæ seu Fato hoc arduum negotium committunt: cum nihilominus, sive; Magistrum, sive Ministrum, Naturæ medicatricis Medicum dicamus, per artis imprimis fundamenta illam moderari aut juvare conveniat, dum, monente eodem *Hippocrate de loc. in hom.* *Soli illi scopum suum in curandis ægris fortunate assequi & infortunate non assequi videntur, qui recte quid & malefacere sciunt &c.*

Talem Medicum, i. e. eruditum, auguramur *Vinum Juvenem Nobilissimum atque Clarissimum.*
DN.

DN. M. CHRISTIANUM Gottfried Singern/Lipsi-
ensem Medicinæ superiore anno renunciatum Bac-
calaureum, qui non tantum à prima sua adolescentia
bonis Literis ac Artibus sedulam navavit operam, sed
Artis quoque medendi tantum sibi, ex Lectionibus
publicis & privatis pariter Nostrorum Doctorum, ac
per Studia propria, comparavit doctrinæ, ut Examina
publica modeste petere ac feliciter sustinere haud veri-
tus fuerit, quò olim *citra & cum fortuna recte agere*
queat. Hinc superioribus diebus Censuræ nostræ
exposuit privatæ Disputationem Inauguralem *de Den-*
titione difficili Puerorum, ut post hanc experiretur pu-
blicam & conaminum suorum perquam honestorum
assumendi *Gradum Licentiatuæ* in Medicina, publi-
cum Bonorum omnium applausum. Cui solennitati
cum crastinum *diem Veneris* nuncupaverimus, Ego,
cui à *Reverendissimo, Serenissimo atque*
Celsissimo Principe ac Domino, DOMINO
CHRISTIANO SECUNDO,
Duce Saxoniae, Juliae, Cliviae, Monti-
um, Angriae & Westphaliae, Postulato
Administratore Episcopatus Martis-
burgensis, Landgravio Thuringiae,
Marchione Misniae & utriusque Lusa-
tia

tiæ &c. &c. Cancellario hujus Acade-
miæ perpetuo & unico, Domino meo
Clementissimo, *Procancellarii* munus pro
tempore Clementissimè demandatum fuit, *Magnifi-
cum Academia Rectorem*, Utriusque Reipublicæ Pa-
tres, cunctosque, qui Arti nostræ ac Studiis Nobilissi-
mi Domini Candidati favent, ea, qua par est, obser-
vantia atque affectu rogo, velint honorifica & deside-
rata sua præsentia Panegyryn hanc Disputatoriam
pariter ac Gradus Licentiæ Collatoriam splendidiorē
reddere, pro hoc autem Officii ac Favoris genere à Me
& Facultate Nostra non minus ac à Clarissimo Domi-
no Candidato fida & certissima gratitudinis, ad cujusvis
occasionis oblationem, sibi polliceri signa. P. P.
Lipsiæ, d. 24. Maji, Anno 1694.

L I P S I Æ,
Literis CHRISTOPH. FLEISCHERL.